

詩

經

廣

詁

詩經廣詁 小雅

桐城徐璈輯錄

谷風之什 第二十

谷風 三章

朱穆曰虛華盛而忠信微刻薄稠而純篤稀斯蓋谷風有

棄予之歎伐木有鳥鳴之悲

絕交論後漢書本傳

蔡邕曰古之交者其義敦以正其誓信以固迨夫周德始

衰頌聲既寢伐木有鳥鳴之刺谷風有棄予之怨其所由

來政之缺也

正交論後漢書朱穆傳注

按藝文類聚

緣利既朋因偽情谷風興哀繁霜夏零道之未盡宏焉由人此同蔡義繁霜言草木枯落並同徐論矣

將恐將懼

薛君曰將詞也

文選甘泉賦注 按將箋訓且薛云詞者不專且義也

棄予如遺

韓詩棄予如墮

薛君章句曰墮猶遺也

文選歎逝賦注

賈公彥曰謂朋友道絕相棄如遺忘物

周禮地官疏

新序弃我如遺

習習谷風

無木不萎

徐幹曰何木不死何草不萎言盛陽布德之月草木猶有

枯落而與時謬者況人事之報應乎

中論修本篇引詩

釋文維山崔嵬

李華曰朋友漸于講習緣情而親于我爲重憂危相急
仕進相推望而不從厚實生怨詩云喪亂旣平旣安且
寧美道義相成也又曰將恐將懼維予與汝將安將樂
汝轉棄予哀勢利相傾也故詩有谷風之刺禮有邦朋
之禁以此防人猶或踰之

正交論

蓼莪

六章

孔叢子孔子曰於蓼莪見孝子之思養也

記義篇

陳忠曰先聖緣人情而著其節制服二十五月是以臣有
大喪君三年不呼其門周室陵遲禮制衰廢蓼莪之人作

詩自傷

後漢書本傳

盧辯曰困于兵革之詩也

大戴禮小辨篇注 玆按爾雅

生也即釋此詩之指

蓼蓼者莪

漢魯峻碑蓼蓼者儀

儀

洪适曰儀義字周官注皆音

以恨愴平原相碑感慕詩人蓼蓼者儀衡方碑

餅之罄矣維罍之耻

陳忠曰餅罄罍耻言已不得終竟子道者亦上之耻也

袁

後漢安帝紀

說文曰瓶之窻矣窻空

又曰餅之罄矣罄器中空也

杜預曰罍大器餅小器常稟于罍者而所受罄盡則罍維

無餘故耻之

左傳註何焯曰子無善可稱則為父母之羞矣

左傳晉范獻子曰今王室實蠢蠢焉吾小國懼矣然大

國之憂也詩云云王室之不寧晉之耻也

昭公二十四年

鮮民之生

大戴禮鮮民之生矣

賁按爾雅鮮罕也寡也鮮民即孟子幼而無父曰孤也又周頌蠲蠲在疚

蠲蠲孤特亦鮮意也又左傳葬鮮者是以不得其死者為鮮此以不得其生者為鮮也

無父何怙無母何恃

韓詩曰怙賴也恃負也

一切經音義爾雅怙怙恃也義疏楚辭註恃怙也說文怙恃也皆

轉相訓荀子註慘然恃尊長之貌

又曰夫為人父者必懷慈仁之愛以畜養其子也

文選洞蕭賦注

母兮鞠我

一切經音義母兮

掬我

按掬從手蓋保抱攜持義也

昊天罔極

漢書

傳天罔極

鄭崇

顏注呼嗥天者陳已至誠也

盧殷冰曰罔極者春秋祭祀以時思之君子有終身之憂

也

唐書本傳

李善曰寒泉母存也蓼莪父母俱亡也

文選懷舊賦注

劉瓛曰誦蓼莪而孝子悲

御覽六百二十九

朱善曰

之日蓼莪傷感于父母既沒之後故誦其詩使人流涕嗚咽而不能止也

晉書王裒傳裒父儀爲文帝司馬東關之役帝問于衆

曰今日之事誰任其咎儀對曰責在元帥帝怒曰司馬
欲委罪于孤耶引出斬之哀痛父非命未嘗西鄉而坐
示不臣朝廷也母性畏雷每雷輒到墓所曰哀在此及
讀詩至哀哀父母生我劬勞未嘗不三復流涕門人受
業者並廢蓼莪之篇

水經注河南秦氏性至孝事親無倦親歿之後負土成
墳常泣血慕側人有詠蓼莪者氏爲泣涕悲不自勝于
墓所病卒今林木幽茂號曰孝子墓

沔水篇 御覽
引幽明錄並同

南史顧歡字景怡吳興人家世寒賤歡獨好學母亡水
漿不入口廬于墓側遂隱不仕歡早孤讀詩至哀哀父

母生我劬勞輒執卷慟哭由是受學者並廢蓼莪篇不

復講焉本傳

大東七章

易林賦斂重數政為民賦杼柚空虛家去其室復之

王符曰賦斂重而譴告通潛夫論班祿篇 陳鵬飛曰周官小史掌邦國之志故漢汝江

沱譚大夫詩皆編入于南雅

白帖大東刺人勞也六

有饒簋殽

說文曰饒盛器滿貌詩引

後漢書注有饒簋殽

周道如砥其直如矢君子所履小人所視

韓詩外傳曰道義不易民不由也禮樂不明民不見也詩云云言其易也言其明也

王符曰如砥如矢言其易也所履所視言其明也故德明

而易從法約而易行

潛夫論

王逸曰其平若砥砥石名也

楚詞招魂注

趙岐曰底平矢直視比也周道平直君子履直道小人比

而則之

孟子注

墨子其直若矢其易若底君子之所履小人之所視

兼愛篇引

周詩

瞻言顧之潛焉出涕

荀子魯焉顧之潛然出涕

宥座篇後漢書作眷然顧之

楊倞注言失

其砥矢之道所以陵遲衰其法度隳壞也

韓詩外傳曰哀其不聞禮教而就刑誅也

杼柚其空

陸德明曰杼盛緯器

釋文

釋文杼柚其空

段曰機軸似車軸故同名後人因杼從木而改軸亦從木也

佻佻公子

韓詩耀耀公子

薛君曰耀耀往來貌

文選注曰耀耀猶若若說

王念孫

文耀耀直好貌廣雅耀耀好貌當在齊魯詩說偉訓往來貌因下有既往既來語緣詞生訓也

陸德明曰佻佻獨行歎息也爾雅釋文 玃按方言佻疾也郭註謂輕疾也卽詩訓矣

楚詞章句蓍蓍公子九歎註

有冽沍泉

釋文有冽暑泉段玉裁曰爾雅沍泉从出說文厝从出泉也爾雅水醴爲厝說文沍水厝枯土其訓

互易

薪是穫薪

樊光曰薪是穫爾雅云穫薪從木傍荊州曰柞木采木詩人不曉薪

意言薪謂身卽伐之也爾雅采薪卽薪注釋文

哀我憚人

白帖哀我憚人瘵勞也二十八爾雅註同

粲粲衣服

韓詩采采衣服 薛章句曰采采盛貌文選屬

舟人之子

詩說曰國語禿姓舟人則周滅之韋昭注舟人國名韓詩

外傳文王舉太公于舟人諸錄曰韋注云舟人詩作子

制制佩璫

御覽絹絹佩璫爾雅作璫

跂彼織女

說文曰跂彼織女跂頃也段玉裁曰織女三星

終日七襄

韓詩薛章句曰襄反也

文選顏延之詩注

王逸賦曰帝軒龍躍庶業是創俯系聖思仰攬三光悟

彼織女終日七襄爰制布帛始垂衣裳

御覽八百二十五

不以服箱

韋昭曰服牛車也

齊語注引詩 蘇侗曰說文以箱爲服詳詩意服如服鹽車上太行之服

文選注曰服服轅也箱大車也

思元賦繫驥襄以服箱舊注訓善註引詩

文選註不可以

服箱 思元賦李註 按不可與下南箕北斗一側箋云不可用是本有可字也

東有啟明西有長庚

韓詩曰太白晨出東爲啟明昏見西爲長庚

史記天官書集解

孫炎曰晨出高三丈昏見高三舍

史記集解

徐堅曰時或歲星太白也或時昏見于西或時晨出于東

詩人不知則名曰啟明長庚矣初學記 鄭樵曰啟明金星長庚水星

大戴禮東有開明爾雅作

不可以箴揚 不可以挹酒漿

韓詩外傳曰磐石千里不為有地慈民百萬不為有民詩

云云言有位無其事也應氏詩說將星彗星皆在箕前故以箕為言天府酒旗星皆近斗故

以酒漿言詩人不輕下一辭也

施士丐曰言不得其人也嘉話拾遺

維南有箕載翕其舌

詩緯曰箕為天口主出氣箕有舌象讒言史記天官書引詩索隱

宋均曰箕以簸揚調弄爲象史記注

玉篇曰載吸其舌吸引也

惠周惕曰箕爲後宮妃后之位斗爲人君號令之主南箕北斗刺后與王也

楊震疏曰大東不興于今勞止不怨于下後漢書本傳

四月八章

孔叢子孔子曰於四月見孝子之思祭也記義篇

韓詩曰歎征役也讀詩記

徐幹曰四月之篇行役過時作詩怨刺中說識交篇

杜預曰四月詩行役踰時思歸祭祀左傳文公十三年注

先祖匪人

王楙曰言先祖不以爲人乎何忍使我當此亂世野客叢書

左傳正義先祖非人

百卉具腓

韓詩百卉俱腓 薛君章句曰腓變也俱變而黃也文選謝靈運詩

注 運詩

藝文類聚百草具腓 玉篇百卉具腓按文選謝靈運詩李注曰瘠病也今

本作腓蓋韓家作腓毛訓病宜作瘠也

亂離瘼矣奚其適歸

左傳君子曰亂離瘼矣爰其適歸歸于怙亂者也夫杜

注離憂也爰于也言禍亂憂病于何所歸乎宣公十二年

韓詩亂離斯莫爰其適歸薛君章句曰莫散也
文選潘岳詩任

防表注新經義曰亂出乎上而受患常在下及其極也乃適歸其所出矣
困學紀聞

劉向曰亂離斯瘼爰其適歸此傷離散以為亂者也
說苑

家語奚其適歸華陽國志引同亦三家字也集傳本从之
詩經義考

說苑孔子曰荆之地廣而居狹民有離志焉詩云云

侯栗侯梅

白帖惟栗惟梅九十

廢為殘賊莫知其尤

列女傳曰言怙于惡不知其為過也
續傳引詩

南國之紀

風俗通南北之紀

按漢在北江在南故云南北之紀詩人蓋從事于江漢間也

匪鷁匪鳬翰飛戾天

說文曰匪鷁匪鳬鷁雕也

廣韻曰匪鷁匪鳬鷁鳬之別名

釋文鷁也

匪鱣匪魴潛逃于淵

王肅曰以言在位非雕鷁也何則貪殘驕暴高飛至天時

賢非鱣魴也何為潛逃以避亂

正義

孫毓曰貪殘之人而居高位不可得而治賢人大德而處

潛遁不可得而用上下皆失其所是以大亂

異同評正義

君子作歌維以告哀

晉書摯虞曰挽歌因唱和而爲悽愴之聲亦足以感衆
雖非經典所載是歷代故事詩稱作歌告哀以歌爲哀

亦無所嫌

禮志 太平御覽 太

左傳文公十三年公如晉鄭伯會公宴于棐子家賦鴻
鴈季文子賦四月

北山

六章

孟子曰是詩也勞于王事而不得養父母也

偕偕士子

說文曰偕偕彊也一曰俱也

詩引

溥天之下莫非王土率土之濱莫非王臣

左傳楚芋尹無宇曰天子經略諸侯正封古之制也封略之內何非君土食土之毛誰非君臣故詩曰普天之下云云天有十日人有十等下所以事上上所以勞神也昭公七年
漢書王莽傳率土之賓 說文率土之額

國策溫人之周周不納客對曰主人也問其巷而不知也君使人問之對曰臣少而誦詩云云今周君天下則我天子之臣也而又爲客哉周策 御覽 引韓子同

呂氏春秋曰舜之畊漁其賢不肖與天子同其未過時也以其徒掘地取利其過時也登爲天子賢士歸之萬民譽之舜自爲詩曰普天之下莫非王土率土之濱莫

非王臣所以見盡有之也盡有之賢非加也盡無之賢

非損也時使然也

慎人篇 璩按此以普天之下為舜詩與墨子載不識不知二句為堯時

詩同豈古有是四語北山詩人乃循用之耶

大夫不均我從事獨賢

左傳曰詩云云言不讓也

襄公三十四年

孔叢子曰我從事獨賢勞事獨多也

小爾雅

杜預曰王役使不均故從事者怨恨稱己之勞以為獨賢

無讓心

左傳注

旅力方剛

李賢曰旅陳也

後漢書註 孔廣森曰旅力猶論語陳力也 大雅靡有旅力言無有肯陳力者也

一切經音義旅力方強

郭注引方言

或燕燕居息或盡瘁事國

左傳晉伯瑕曰事序不類官職不則同始異終胡可常也

詩曰或燕燕居息或懽懽事國其異終也如是

昭公七年經義述

聞曰鄭注小司寇亦作或懽懽以事國蓋三家詩有作懽懽者懽亦盡也

漢書或宴宴居息或盡賴事國

考文或燕燕以居息或盡瘁以事國

陳樹華曰石經亦有兩以字

或不知叫號

匡謬正俗曰或燕以下句句相韻叫號猶言喧呼自恣耳

徐仙民音號為呼到反非也

釋文或不知開號

或棲遲偃仰

釋文或棲遲偃仰

無將大車三章

荀子曰無將大車言無與小人處也大略篇

易林大輿多塵小人傷賢井之大

祇自底兮

趙宦光曰此即多我親痛之瘡 顧絳曰劉彝以為當作痕病也唐人避太宗諱凡字從民者多省而為氏如皆之為昏其遺法也 段玉裁曰爾雅說文痕病也張衡賦思百憂以疾疾與底音近底合應猶漢志祗氏讀如權精也

無將大車維塵冥冥

韓詩外傳曰春樹桃李夏得陰其下秋得食其實春樹葵
藜夏不可採其葉秋得其刺焉詩云云所樹非其人也按

外傳此語是韓家亦同序說也

荀子曰君人者不可以不慎取臣匹夫者不可以不慎取

友詩云云大略篇

楊倞曰將猶扶進也塵冥冥蔽人目明令無所見與小人

處亦然也荀子注

維塵離兮

釋文維塵離兮

魏志趙王幹通賓客爲有司所奏賜書誡之曰詩著大

車維塵之戒

本傳

小明

五章

狄仁傑疏曰越積踰嶺分兵防守行役既久怨曠亦多昔

詩人云云

豈不懷歸畏彼罪罟念彼蒸人涕零如雨

此則前代怨思之辭也

文粹

二十七

歐陽修曰詩述征行勞苦畏于得罪不敢懷歸

詩本義

至于芄野

顧野王曰遠荒之野曰芄

玉篇引詩

念彼其人畏此罪罟

桓寬曰古者行役不踰時春行秋反秋往春來寒暑未變衣服不易固已還矣今則徭役極遠盡寒苦之地危難之

處今茲往而來歲還父母延頸而西望男女怨曠而相思
故一人行而鄉曲恨一人死而萬人悲詩曰念彼恭人云

云鹽鐵論
流務篇

日月方除

葉西曰爾雅十二月為涂除與除同
此自二月至歲暮藏離寒暑之候也

歲聿云暮

孔穎達曰采蕭穫菽是九月事云歲暮者言過此則歲將

暮耳

雅棟高曰九月為歲暮十月為歲除是周以十一月
為歲首也陸游曰閏以冬至前一日為冬住太平

廣記唐以冬至前一日為除夜詩日月其
除除音女處反則所謂冬住者冬除也

憚我不暇

釋文揮我不暇

睠睠懷顧

韓詩眷眷懷顧

文選登樓賦謝惠連詩陸機詩注

自詒伊戚

左傳自詒伊戚

詩小學曰傳伊戚本作繫箋緣此于雄雉兼葭東山皆訓伊為繫也今作伊俗改

靖共爾位正直是與

鄭康成曰靖治也言敬治汝位之職事正直之人乃與為

倫友

禮記註

呂覽靜恭爾位

有度篇韓詩外傳同

神之聽之式穀以女

鄭康成曰式用也穀祿也言神聽女之所為用祿與女禮記

注按靖傳訓謀殺箋訓善此注不與之同者蓋用韓魯義也

表記子曰事君不下達不尚辭非其人弗自小雅云云靖共

爾位四句

無恒安息

漢書無常安息董仲舒傳

靖其爾位好是正直神之聽之介爾景福

左傳叔孫穆子曰恤民為德正直為正正曲為直參和為

仁如是則神聽之介福降之襄公七年

董仲舒曰正直者得福也不正者不得福此其法也春秋繁露

詩引

杜預曰神明順之致大福

左傳注

楊倞曰好正直之道則神聽而助之

荀子注

緇衣子曰有國家者章善癉惡以示民厚則民情不貳

詩云靖其爾位好是正直

何楷曰此引詩為愛好正直之意又一說也

鼓鐘

四章

中候握河紀注曰昭王時鼓鐘之詩所為作

孔穎達曰依三家為說也

王應麟曰此韓詩也

瓊按此篇序以為刺幽王孫毓

云未知幽王曷為作先王之樂于淮水之上歐陽修曰書

史無幽王東巡淮水之事蓋皆不信序說也今以握河紀

注考之則是昭王流連于淮水之上而悅南音從行大夫

憂之而作鐘琴笙磬賦其樂也淮水三洲紀其地也淑人

君子引之當道也古之君子審聲知音審音知政流連淮

詩經

小雅

五

水樂以忘憂詩漢膠船事有所先此聞樂者所由憂心傷悲發乎忠愛而不能已也其詩之作蓋去南征不復無幾時矣且二雅之詩序以為刺幽者三十有九昭王之時獨存此篇箋疏仍廢三家而從序說亦為偏徇矣
王應麟曰鼓鐘昭王之時作玉海三十八玃按竹書紀年昭王十六年伐楚喪六師于漢王陟水經注昭王南征渡河中流而沒則昭王之時兩伐楚淮接楚壤逾淮而後渡漢河也郝敬曰是役也未必無朝會而詩但言鼓鐘淮水以諷其荒樂遠遊無復修先王之禮也鄭忠允曰楚澤膠舟王靈斯替議者已于淮上之遊卜宮聲之無旋焉記曰樂不可極樂盡哀來大夫憂之而賦鼓鐘有先見矣

鼓鐘伐鼗

淮南子建鼓而食高誘注鼗鼓王者之食樂也詩云鼓

鐘伐鼗主術訓取按此以鼗為侑食所奏之樂千篇義為當不必如周官鼓人之所川也

孫愐曰鼗役事車鼓長二丈廣韻引詩

周禮注鼓鐘伐鼙

憂心且妯

廣韻曰妯憚也

詩引

說文曰憂心且

妯妯朗也

璩按方言妯擾也人不靜曰妯郭註謂躁擾也字宜从心矣

一切經音義憂心且

陶

段若膺曰此當是三家詩憂心且妯之異文

笙磬同音

五經要義曰磬立秋之樂也

初學記十六 熊朋來曰古者堂上樂皆受笙均堂下樂

皆受磬均特舉笙磬見堂上下之樂皆和也璩按淮南子曰叩宮而宮應叩角而角動此同音之相應也蓋五聲

宮商以類相應故笙磬異器而同音據說異物而相和也

以雅以南以箏不僭

韓內傳曰王者舞六代之樂舞四夷之樂大德廣之所及

文選魏都賦注

韓詩曰聞其宮聲使人溫厚而寬大聞其商聲使人方廉

而好義

隋書樂志

薛君曰南夷之樂曰南四夷之樂唯南可以和于雅者以

其人聲音及箏不僭差也

後漢書陳禪傳注

陳禪曰古者合歡之樂舞于堂四夷之樂陳于門故詩曰

以雅以南韎任侏儻

李賢注毛詩無韎任侏儻之文蓋

見齊魯之詩也

後漢書本傳程大昌曰南即二南之樂以爲四夷之南樂者鄭本于鉤命決也

應劭曰箏竹管三孔所以和衆聲也

風俗通引詩

劉炫曰南如周南之南

六經輿論引述義程大昌曰季札觀樂有舞象南蕭者象頌之

雅清也簡雅也南蕭二南之篇也又文王世子胥鼓南則南之為樂古矣

孫毓曰此篇四章之義明皆正聲之和無淫樂在其間

也正義

詩義折中曰鼓鐘之作與祈招同旨蓋穆王時詩也陸奎勳曰此穆王之詩左傳穆有塗山之會塗山乃淮南之地竹書伐越伐餘戎至九江皆淮南北之地又穆天子傳為盛姬謚曰哀淑人征于漂水祭淑人是曰祭邱則淑人固有所指而憂心傷懷亦非泛詞也

楚茨
六章

鄭曉曰詩言公卿力田修祀而祀禮之儀節因之可考

楚楚者茨

谷風之什

王逸曰楚楚者齊齊蒺藜也

楚詞注

禮記注楚楚者齊

呂祖謙曰齊蒺藜也康成時字猶作齊不作茨也

我藪黍稷

鄭康成曰藪猶執也

周官註引詩

說文曰我執黍稷執種也持而種之

說文無藪字

濟濟跼跼

陸德明曰濟濟大夫之容也跼跼士之容也

釋文

以往燕嘗

王肅曰不言祠祔者舉盛言也

正義

或肆或將

釋文曰肆解肆也

大祭仰訓陳如字陸謂解肆讀如周官

祝祭于祊

說文曰祝祭于[門]內祭先祖所徬徨也

爾雅謂之門郭註引詩義疏

曰闕廟門也

君婦莫莫

薛君章句曰寂無聲之貌莫靜也

文選西征賦注按詩無寂莫之文始繫于此

禮儀卒度笑語卒獲

鄭康成曰獲得也言在廟中者不失其禮義皆歡喜得其

節也

禮記註李光地曰笑語卒獲即記思其笑語之意祭之時和在其上也

楊倞曰有禮動皆合宜也

荀子禮論篇注

坊記子云七日戒三日齋承一人焉以爲尸過之者趨走以教敬也醴酒在室醢酒在堂澄酒在下示民不淫也尸飲三衆賓飲一示民有上下也因其酒肉聚其宗族以教民睦也故堂上觀乎室堂下觀乎上詩云云

荀子曰故人無禮則不生事無禮則不成國家無禮則不

寧詩云云此之謂也

修身篇

韓詩外傳禮義卒度

張昞曰周官肆師注古者書儀但爲義今時所謂義爲誼

苾芬孝祀

韓詩餼芬孝祀 薛章句曰餼香貌也

文選蘇武詩注盧文弨曰一切經

音義引云餼香氣也 按廣雅酸醲芬芬香也卽申韓義也

既齊既稷既匡既敷

王肅曰執事已整齊已極疾已誠正已固慎也

正義

釋文既筮既勑

按筮敬之禮祝取黍稷牢肉宰夫授之以筮殆屬韓魯家訓又祝釋椒辭以勑之

廣雅云勑進也是箋義也

神具醉止皇尸載起

班固曰坐尸而食之綬損其饌欣然若親之飽尸醉若神

之醉矣詩云云

白虎通
通典引

鼓鐘送尸

荀萬秋曰鐘鼓送尸者周禮尸出于廟門拜尸不顧

宋書禮志

神保聿歸

沈約曰神保通歸歸于天地也神有去來則有迎送

宋書禮志

子子孫孫勿替引之

韓詩外傳曰喪祭之禮廢則臣子之恩薄臣子之恩薄則背死忘生者衆詩云云

儀禮少牢禮勿替引之鄭注古文替爲袂袂或爲戴戴

替聲相近

錢大昕曰袂當爲秩之譌說文引詩秩秩作戴戴是秩與戴通又引書平秩作平歸則秩

有弟音故與替聲相近也

信南山

六章

張氏曰原隰治田廬修廟雪時而後及于祭禮禮樂之事也

維禹甸之

韓詩維禹隳之

周官注疏

鄭康成曰隳讀曰乘

周禮注

賈公

彥曰韓詩隳是軍陳故訓為乘句出車一乘可以為軍故

曰乘

周官疏

昀昀原隰

周禮注督督原隰

賈公彥曰督督是均田之意

周禮疏

釋文昀昀原隰

敬按昀從旬句均也井田之制齊東寡同遠近故曰均也

我疆我里南東其畝

左傳成公三年晉師敗齊師于鞍使齊之封內盡東其畝

齊人曰先王疆理天下物土之宜而布其利故詩曰我疆

我理南東其畝今吾子疆理諸侯而曰盡東其畝而已唯

吾子戎車是利無顧土宜其無乃非先王之命乎惠周揚曰南者

從東者橫畝南溝洫在北畝東溝洫在西一從一橫而畝分兩從兩橫而井成也

上天同雲雨雪雰雰

韓詩曰凡草木花多五出雪花獨六出者陰極之數也雪

花曰霰雪雲曰同雲自上而下曰雨雪藝文類聚

徐堅曰同雲謂陰雲竟天同為一色初學記引詩

益之以霖霖

徐鍇曰霖若人之血脉流徧又如沐之膏濡也說文繫傳引詩

既優既渥

說文曰既渥既渥澤多也

驅場翼翼

衆經音義

周禮疏引
驅場有瓜亦作翼

中田有虞驅場有瓜

高誘曰言無休廢也

呂覽孟春
紀引詩注

韓詩外傳曰古者八家而井田九百畝家爲公田十畝廬

舍各得二畝半八家相保出入更守疾病相憂患難相救

有無相貸飲食相召嫁娶相謀漁獵分得仁恩施行是以

其民相親而相好詩云云

讀詩記曰後漢注井田詩人受
田廬舍在內貴人也公田次之

重公也私田
在外賤私也

取其血骨

說文曰取其血臄臄牛腸脂也

苾苾芬芬

廣韻曰苾香也引詩

祀事孔明

御覽祀事孔彰

萬壽無疆

漢白石神君碑萬壽無疆隸釋

谷風之什十篇五十四章

諸葛槐校
左德乾校

詩經廣詁 小雅

桐城徐璈輯錄

甫田之什 第二十一

甫田 四章

嚴粲曰甫田述
祈報省耕之事

倬彼甫田

韓詩曰薊彼甫田薊卓也釋文爾雅疏同王應麟曰

未聞豈未見韓詩耶嚴可均曰玉篇作薊從草釋文作
薊從竹爾雅正文及注疏並從竹徐氏曰說文廣韻無
薊字注草大也據此則韓詩本作薊字可知

歲取十千

南田之什

王肅曰太平之時天下皆豐故不繫之于夫井不限之于

斗斛要言多取田畝之收而已正義張載曰一成之田九萬畝公取十千畝九一

之法也嚴粲曰百取其十萬取其千什一之法也

孫毓曰言所有大田皆有十千之收推而廣之以見天下

皆豐也正義

我取其陳食我農人

孫毓曰一家之中尊長食新農夫食陳老壯之別孝養之

義也正義按漢書文帝詔曰今聞吏廩當受鬻者或曰陳粟豈稱養老之意哉老者不食陳周漢之制也

或耘或耔黍稷薿薿

漢書或芸或芋黍稷薿薿班固曰芸除草也耔附根也

言苗稍壯每耨附根比盛暑隴盡而根深耐風與旱故

擬擬而盛也

食貨志引詩志曰后稷始畝田以二耜為一畝二畝一夫三百畝而播種于三畝中苗生葉以上耜耨隴草因廣其土以附苗根故其詩云云

沈重曰耔耨禾根也通作芋集韻

張銑曰耔養苗也文選注

藝文類聚黍稷疑疑說文黍稷疑疑

攸介攸止

薛君章句曰介界也文選魏都賦注

以我齊明

五經文字曰以我齋明或作案禮記諸經皆借齊為之

詩經卷古 小雅

以御田祖以祈甘雨

顏師古曰田祖稷神言設樂以御祭于神為農祈甘雨也

漢書郊祀志注

曾孫來止以其婦子饁彼南畝

王肅曰曾孫親循畝勸勸稼穡也農夫務事使其婦子並

饁饁正義呂祖謙曰此言省耕之時也

田畯至喜攘其左右嘗其旨否

王肅曰田畯之至喜樂其事教農以閒暇攘田之左右除

其草萊嘗其氣旨土和美與否也正義孔廣森曰方言

倫按曲禮左右攘辟鄭注攘古讓字此亦疑同讓其左右言農夫各以其食讓與左右鄰井偕耕者嘗其家人所作

羹飯孰自孰否也于此一言見民饒于飲食漸于禮讓焉
按漢志堯之克讓盛揖讓之容讓皆作讓與詩同也

說文繫傳田峻至饒釋文田俊至喜

曾孫之庚

韋昭曰庚露積也

周語注

黍稷稻粱

陸德明曰詩言黍稷稻粱禾麻菽麥爲八穀

禮記釋文

說苑晉文公反國舟之僑爵祿不與舟之僑陳辭于晉

文公文公曼然欲與之爵祿舟之僑曰天油然作雲沛

然下雨則苗草興起莫之能禦今爲一人言施一人猶

爲一塊土下雨也土亦不生之矣遂去文公爲之誦甫

田之詩

復恩篇

甫田之什

張按說苑載此事與介之推蘇上之

朝者亦受地于野而世保其田祿也十千箋謂一成之數是王朝卿士之采地社為成羣之置方列七祀之中是卿士之所宜祭烝髦士者鄉老鄉大夫均有進賢能之禮也農夫者佃世田之耕此田墾者司采賦之尚夫曾孫者則受采地之嗣孫篇中屢言我皆曾孫自謂也舟之儒從亡反國而不得與古之世祿者比故文公為之詠是詩也

大田

四章

曹粹中曰甫田述省耕大田述省斂范家相曰韓外傳以篇中興雨為太平之風雨則詩非刺時矣

以我覃耜

爾雅注以我

剡耜

銘行曰三家作剡毛假借覃

倣載南畝

陸德明曰俶始也載事也釋文 箋云俶讀爲穢載讀爲舊

播厥百穀

王逸曰播種也楚詞注 引詩

不稂不莠

說文曰不節不莠禾粟之莠生而不成者謂之童節也

去其螟螣

唐公房碑去其螟螣緣釋 釋文螣一作螣說文作螣

田祖有神

鄭康成曰田主田神后土田正之所依也詩人謂之田祖

周官 注

秉與炎火

韓詩曰卜與炎火卜報也釋文

陸德明曰秉執持也與與也釋文

舊唐書開元四年山東蝗蟲大起姚崇奏曰詩云秉彼蠹賊以付炎火此除蝗之義也蟲既解畏人易驅逐又苗稼皆有地主救護必不辭勞蝗既解飛夜必赴火夜中投火火邊掘坑且焚且瘞除之可盡時汴州刺史倪若水行其法獲蝗一十四萬石投汴渠流下者不可勝

紀姚崇本傳

有淪妻妻與兩祁祁

韓詩外傳曰有奔淩淩興雲祁祁以是知太平無飄風暴

雨明矣

瓊按廣雅奔覆也韓作奔明陰雲奔覆也

呂氏春秋有曉淩淩興雲祁祁

謹聽篇

高誘注曉陰雲也

陰陽和時雨祁祁然不暴疾也

段玉裁曰雨言降言下無言與者此詩興雲祁祁猶

白華言英英白雲也

許慎曰淩雨雲起也

說文引詩玉篇淩寒風雨極也淩雨雲貌廣韻淩雲雨貌

漢書有曉淩淩

文釋

白帖有拚淩淩

顏之推曰淩已足是雲何復曰興雲祁祁雲當為雨俗寫誤

耳班固靈臺詩云習習和風祁祁甘雨此其證也

顏氏家訓

按藝文類聚引句亦作興雲是唐寫為雲也盧文弨曰金石錄載無極山碑曰興雲祁祁雨我公田則漢以前本

皆作興雲顧氏但以班詩為證諸書皆可廢乎

雨我公田遂及我私

班固曰先王制土處民富而教之民皆勸功樂業先公而

後私詩云云 漢書食貨志

鍾離意曰言君臣相濟上下同憂也 後漢紀明帝本紀引詩

高誘曰古者井田十一而稅公田在中私田在外民有禮

讓之心故願先公田而及私也 呂覽注引詩

趙岐曰言太平時民悅其上願欲天之先雨公田遂以及

我私也 孟子注

蕭望之曰古者賦于民不足則取有餘則與詩云爰及矜

人哀此鰥寡上惠下也又云雨我公田遂及我私下急上

也

漢書本傳

此有不斂穧

崔集注此有不斂莒

讀詩記拾遺穧一作穧

彼有遺秉此有滯穗伊寡婦之利

坊記子云君子不盡利以遺民詩云云故君子仕則不稼田則不漁食時不力珍

韓詩外傳曰詩云云是以貧窮有所歡而孤寡有所措其手足也

桓寬曰古之仕者不稼田者不漁抱關擊柝皆有常秩不

得兼利盡物如此則愚知同功不相傾也詩云云言不盡

物也

鹽鐵論
錯幣篇

贍彼洛矣

三章

韎韐有奭

孔穎達曰此諸侯世子未爵命之服

禮記王制疏

白虎通曰世子上受爵命衣士服何謙不敢自尊也詩曰

韎韐有奭世子始行也

爵篇 璩按此蓋魯詩箋三章
均以世子言亦循用魯說也

以作六師

賈公彥曰此諸侯世子爲軍將也

周官疏
引詩

韓琫有琫

釋文曰韓或作琫刀室也琫又作韓佩刀鞘上飾琫又作

琫佩刀下飾

惠棟曰說文引禮云佩刀天子玉琫而琫琫諸侯璚琫而璚琫士珉琫而珉琫所引禮蓋

逸禮也此與毛傳所引同
少大夫璚琫而璚琫一句

裳裳者華

四章

孔叢子孔子曰於裳裳者華見古之賢者世保其祿也

記義

篇主應麟曰裳裳者華與賢者
功臣之子孫世臣與國升降者也

左之左之君子宜之右之右之君子有之

荀子曰此言君子能以義屈伸應變故也

不荀篇
引詩

說苑傳曰君子者無所不宜也

王粲曰此引詩傳是故釋
蓋即魯詩之傳也

冕戒厲立于廟堂之上有司執事無不敬者斬衰裳直經杖立于喪次賓客弔唁無不哀者被甲纓冑立于桴鼓之間士卒無不勇者故曰爲左亦宜爲右亦宜爲君子無不宜者

修文篇 按此以廟堂喪戎言亦見左古禮右凶事之義有同毛傳也

北史左之右之君子宜之右之左之君子有之

長孫紹遠傳

維其有之是以似之

杜預曰言唯有德之人能舉似己者也

左傳襄公三年注何楷曰似說文

云象也卽小宛所謂式穀似之也記曰繼世以立諸侯象賢也與孔叢義合

左傳祁奚稱解狐祁午君子謂祁奚于是能舉善矣夫

唯善故能舉其類詩云唯其有之是以似之祁奚有焉

桑扈四章

范甯曰君臣之禮廢則桑扈之諷興穀梁傳注朱謀埠曰桑扈應侯而至喻

諸侯時見不違禮也

有鶯其羽

徐爰曰有鶯其羽鶯文章貌文選射雉賦注

詩義疏曰言雖小鳥其羽鶯然有章文選注

白帖鶯文綵也九十

君子樂胥受天之祜

賈誼曰胥相也祜大福也夫憂民之憂者民必憂其憂樂

民之樂者民亦樂其樂與士民若此者受天之福矣新書六

萬邦之屏

衆經音義曰屏隱也蔽也引詩

受福不那

說文受福不儺

張畊曰說文引毛那石經舊詩字

兕觥其觶旨酒思柔

韓詩說曰觶五升所以罰不敬觶廓也著明之貌君子有

過廓然著明

左傳成公十四年疏

左傳兕觥其觶

杜預曰觶陳設之貌

左傳注

張晏曰飲酒和柔無失禮可罰罰爵徒觶然而已

漢書注

孔穎達曰球球然角貌

左傳疏引詩

說文兕觥其斛敬按周官鬯齊掌其比釐榘罰之事註釐用酒失禮之罰也諸經專作觥詩多作觥

彼交匪敖萬福來求

漢書匪傲匪傲萬福來求五行志師古註謂飲酒者不傲

幸不傲慢則福祿就而求之也

應劭曰言在位者不傲訐不倨傲也漢書注 臧琳曰交為絞省較傲古通漢

志所載為古文當從仲援說也

杜預曰彼之交于事而不情傲乃萬福之所求左傳注

左傳成公十四年衛侯饗苦成叔甯惠子相苦成叔傲

甯子曰苦成叔其亡乎古之為享食也以觀威儀省禍

福也故詩曰兕觥其觥旨酒思柔彼交匪傲萬福來求

今夫子傲取禍之道也

又襄公二十七年鄭伯享趙孟于垂隴公孫段賦桑扈
趙孟曰匪交匪傲福將焉往若保是言也欲辭禍祿得
乎

鴛鴦 四章

成伯璵曰鴛鴦于飛陳萬化得所毛詩指說 折中曰天子諸侯大婚禮成也
鴛鴦于飛

沈重曰鴛鴦匹鳥止則為耦飛則為雙釋文

畢之羅之

高誘曰畢之羅之畢掩網也呂氏春秋注引

戢其左翼

韓詩曰戢捷也捷其喝于左也

釋文 范家相曰禽鳥之宿皆捷其喝于翼也

摧之秣之

韓詩曰莖之秣之莖委也

釋文 瓊按尉官委人掌斂薪芻故芻為委也

衆經音義曰莖芻也謂斬芻所以養馬者

詩引

陸德明曰秣穀馬也

釋文

白帖秣之秣之

說文 繫傳又引作芻之秣之

類升

三章

有類者弁

鄭康成曰緇布冠無笄者著頰圍髮際結項中隅為四綬

以固冠也項中有緇亦由固頰為之耳今未冠笄者著卷

幘頰象之所由生也滕薛名儲為頰

儀禮士冠禮註引詩

司馬彪曰古者有冠無幘其戴也加首有頰所以安幘

後漢

書輿服志引詩

許慎曰頰舉頭也

說文引詩

陸德明曰頰著弁貌

釋文

為與女羅

高誘曰葛與女羅下有茯苓上有兔絲兔絲一名女羅

淮南

子李秋紀注

梁處素曰文選注亦引作葛與女羅盧文弨曰古本作葛字

陸德明曰蔦寄生草也爾雅云寓木宛童釋文

費鳳別碑鵠與女蘿釋

先集雜叢

韓詩曰霰黃也文選雪賦注 御覽引薛君注同 宋書作霰黃也

韓詩外傳曰凡草木花多五出雪花獨六出雪花曰霰御覽

十二按今本外傳無此文

沈約曰花葉謂之英然則霰為花雪矣草木花多五出雪

花獨六出宋書符端志

郭璞曰先集雜覽覽冰雪雜下者故謂之消雪爾雅雨覽為消雪註

詩引

劉良曰霰微雪也

文選雪賦注引詩

死喪無日無幾相見

韓詩外傳曰明主能愛其所愛闇主必危其所愛詩云云危其所愛之謂也

樂酒今夕

玉逸曰樂酒今昔夜也

楚詞招魂篇注

車

五章

杜預曰車轄周人思得賢女以配君子

左傳昭公二十四年注

德音來括

薛君章句曰括約束也

文選劉琨陸機詩注

有集維鵲

薛綜曰雉之健者爲鵲尾長六尺

文選西京賦注引詩

辰彼碩女

列女傳展彼碩女

王氏曰展信也碩大也言信彼大賢之女以善德來教也此蓋舊詩

雖無德于女式歌且舞

杜預曰雖無大德要有喜說之心欲歌舞之式用也

左傳昭公

二十六
年注

高山仰止景行行止

表記子曰詩之好仁如此鄉道而行中道而廢忘身之老也不知年數之不足也俛俛焉日有孳孳斃而後已

劉向曰言當常嚮為其善也新序引詩

高誘曰言有高山我仰而止之人有大行我則而行之淮南

說山引

詩注

許慎曰高山印止望欲有所庶幾也說文

徐幹曰倦立而思遠不如速行之必至也孤居而願智不

如務學之必達也詩云登山仰止景行行止好學之謂也

中論治學篇 按曹大家東征賦曰勉仰高而瞻景兮盡忠恕而與人謂仰峻山而蹈明行也蹈踐履之意所云行

止也

鄭康成曰景行行止景明也有明行者謂古聖賢也禮記注

羅大經曰景明也謂所行之光明也世俗有景仰景慕之語失其義矣

史記景行止
釋文仰止或作仰之
行止或作行之

以慰我心

韓詩曰以愠我心愠患也
釋文 戚琳曰愠怨也愠怨聲相近

王肅曰新昏謂褒姒也大夫不遇賢女而後徒見褒姒謾

巧嫉妬故其心怨恨
正義 又曰慰怨也怨恨之義也 釋文 陳

政源曰慰說文兩義一曰安也一曰悲怨也

左傳叔孫昭子聘于宋宋公享昭子賦新宮昭子賦車

輶
杜注昭子聘為季孫邈宋公昭公二十五年

青蠅 三章

焦贛曰青蠅集藩君信讒言害賢傷忠患生婦人之困
易林豫

袁孝政曰魏武公信讒詩人刺之劉子注補傳

營營青蠅

說文曰營營青蠅營營小聲也

徐堅曰讒言傷善青蠅汚白同一禍敗詩以為興初學記論衡同

止于樊

說文曰止于楸楸籬也

漢書止于藩武五子傳又後漢書楊震傳青蠅點素同茲在藩

讒人罔極交亂四國

陸賈曰讒言罔極交亂四國衆邪合黨以回人君邦危民

亡不亦宜乎新語三史記同

王充曰人中請毒一身死之中于口舌一國潰亂詩云讒
言罔極交亂四國四國猶亂況一人乎故君子不畏虎畏
讒夫之口讒夫之口爲毒大矣論衡言毒篇
構我二人

韓詩曰構亂也

釋文按開構以成禍亂也

左傳襄公十四年會于向范宣子數戎子駒支使無與
于會戎子賦青蠅而退宣子使卽事于會

漢書昌邑王賀卽位後夢青蠅之矢積西階東以問樊
遂遂對曰詩不云乎營營青蠅止于簷楨悌君子毋信
讒言陛下左側讒人衆多如是青蠅惡矣昌邑王傳又戾太子之

亂壺關三老茂上書曰臣聞孝已被謗伯奇放流骨肉至親父子相疑何者積毀之所生也太子困于亂臣冤結而無告不忍忿忿之心子盜父兵以救難自免耳詩云營營青蠅止于樊豈弟君子無信讒言陛下不省察深過太子發盛怒臣竊痛之 武帝本紀

晉傅咸青蠅賦曰覽詩人之有造刺青蠅之營營無纖

芥之微用信作害之不輕既反白而為黑恒懷蛆以自

盈藝文類聚

唐吳兢疏曰陛下惟餘一弟朝夕左右尺布斗粟之譏

不可不慎青蠅之詩良可畏也唐中宗二十四年通鑑

賓之初筵五章

韓詩曰衛武公飲酒悔過也後漢書孔融傳注

賓之初筵左右秩秩

韓詩注曰言賓客初就筵之時賓主秩秩然俱敬謹也

孔融

傳注

殽核維旅

蔡邕曰肴聚惟旅肴聚食也肉曰肴骨曰聚

文選典引注

大侯既抗弓矢斯張射夫既同獻爾發功

顏師古曰抗舉也射夫衆射者也同同耦也獻功獻其發

矢中的之功也

漢書注

吾邱壽王曰大射之禮自天子降及庶人三代之道也詩

云云言貴中也

漢書本傳

崔靈恩集注曰一章為大射二章為燕射

漢詩記 王安石曰其湛曰樂

各奏爾能則又射矣賓載手仇室人入又則賓主皆著射矣

發彼有的以祈爾爵

家語曰所求也求中所以辭爵也酒者所以養老所以養

病也求中以辭爵者辭其養也

禮記射義同

鄭康成曰發猶射也的謂所射之識也爾或作有

禮記注

衆經音義曰的謂的然明見今射棚中珠子是也

詩引

賓載手仇

春秋繁露賓載手

射

按說文射也王篇酌也士冠禮注勺尊升所以斟酒也

酌彼康爵

說文酌彼康爵爾雅釋詁康盧也釋文一作康

威儀反反

韓詩曰威儀飯飯飯善貌也釋文郝懿行曰飯爾雅大

義劉瑾曰酒之為禍內則喪人之德外則喪人之威儀此詩言德者一而言威儀者五酒誥言德者八而言威儀

者一詩畧互相備也

屢舞僊僊

沈約曰宴樂必舞但不宜屢耳譏在屢不在舞也宋書禮樂志

陳勝曰飲酒酣必起舞蓋所以極歡心敘誠意樂飲以舞相屬故漢李陵起舞以屬燕武王智起舞以屬蔡邕至田

蚡灌嬰張敖陶謙皆以屬舞不起生舞詩曰屢舞蹀躞是屬舞之不可屢常也

釋文屢本作婁兩都賦劉注屢舞還還又作蹀躞

威儀忒忒

集韻威儀忒忒

說文忒威儀也

載號載呶

韓詩曰不知其爲惡也

後漢書孔融傳引詩注

側弁之俄

晏子曰言失德也

晏子春秋引詩

說文仄弁之俄俄行頎也

御覽側弁峨峨

屢舞傚傚

晏子曰言失容也

詩引

說文曰傴醉舞貌詩引

又曰屢舞裝裝婦人小物也

既醉而出 是謂伐德

晏子曰既醉而出並受其福賓主之禮也醉而不出是謂

伐德賓之罪也雜上篇 前同

式勿從謂

王肅曰用其醉時勿從而謂之正義

甫田之什十篇三十九章